



Saunia e Peresitene  
**Henry B. Eyring**  
Fesoasoani Lua i le  
Au Peresitene Sili

## Galulue Faatasi

**E**eseese uma i tatou. Ae o perofeta a le Alii e talosagaina i tatou i taimi uma ina ia i ai le lotogatasi. A outou lotogatasi, e alolofa le tasi i le isi ma galulue faatasi.

O se tasi o auala e mafai ona tatou lotogatasi ai o le tatalo faatasi. Sa i ai se tasi taimi na ou tootuli ai (e tatalo) i le taimi e moe ai, faatasi ma se aiga sa ou asiasi atu i ai. Sa faia e le tamaitiiti aupito laitiiti le tatalo. Sa tatalo o ia mo tagata uma lava o le aiga, i o latou igoa.

O le isi auala e atiina a’e ai le lotogatasi, o le avea lea ma se tagata e faatupuina le filemu. O se tagata e faatupuina le filemu e fesoasoani i tagata e iloa ai mea e tutusa ai i latou. E oo lava i o tatou eseese e mafai ona fesoasoani ia i tatou e aoao ai ma tuputupu ae ai.

Afai tatou te lotogatasi ma mulimuli faatasi i le Faaola, e mafai ona avea i tatou ma tagata e finagalo le Tama Faalelagi ia avea ai i tatou. ●

*Siitia mai le “E Fusia o Tatou Loto ia Tasi,” Liahona, Nov. 2008, 68–71.*

## O Ie Paso o Iesu Keriso

Na aoao mai Peresitene Eyring e mafai ona tatou faia mea e sili atu pe a tatou lotogatasi! Oti i luga o laina togitogi ma tuu atu ni fasipepa i tagata taitoatasi o lou aiga. Ona galulue lea o se vaega, e faafetaui lanu ma tuu faatasi ia vaega.

